

Cangzganghlingj Cunh:

Aen Hawhoengh Gaeuqgeq Raen Yiengh Moq


商埠古村长岗岭村的今昔

□ Linzbingz Dangmeij

Ndwn gwnz sang ngaem yawj aenmbanj gaeuq.



▲ Aen bozvuzgvany mbanj gaeuq.



▲ Roenrin luengqhongh ndaw mbanj.



▲ Ranzgaeuq sanghung gvangqyub.



▲ Daizheiq gaeuq geij bak bi seizneix lij yungh ndaej.

Lingzconh Yen Lingzdenz Cin Cangzganghlingj Cunh bi 2006 ndwen 5 ndaej Gozvuyen goengbough guh daengx guek cungdenj vwnzvuz baujhoh danhvei; bi 2009 ndwen 5, aen Cangzganghlingj Roendaehhuq Mbanj Gaeuq Swnghdai Bozvuzgvany roengzngaenz 560 fanh maenz hwnj-guh haenz guhbaenz haidou couxhek; bi 2012 ndwen 12, benq ranzgaeuq Cangzganghlingj ndaej senj haeuj buek daih'it aenmbanj conzdungj Cungguek, caemhcai ndaej dingh baenz daengx guek 51 aen mbanj swnghdai guekgya baujhoh ndawde aen ndeu.

Cangzganghlingj Cunh dieg youq ndaw gemh byaimeg Byahaiyangz giz doengbaek singz Gveilinz 50 goengleix gya haenz, Ciuhsung couh hainduj baenz mbanj, nyuenz heuhguh Yauzsanhlingj, Ciuhmingz gaij heuhguh Cangzganghlingj Cunh. Seiz Ciuhmingz Ciuhcingh, hakfouj Gveilinz vih aeu roenhawq bouj Mienglingzgiz daehhuq noix lai caeuq hawj roen daehhuq dinj di, couh youq ndaw gyang goengqbya diegrungh megbya Byahaiyangz vatbu le diuz "roen daehhuq Siengh Gvei" ndeu, lien doeng hawgeq Gaisouj aen "haw cien ranz" baihbaek Mienglingzgiz

caeuq hawgeq Dahih baihnanz Mienglingzgiz haenz, diuz roen neix ndaej doeng daengz baksok hawgeq Dahih roengz Dahlizgyangh bae daengz Vuzcouh, Gvangjcouh. Cangzganghlingj Cunh couh youq cungq-gyang diuz "roen daehhuq" neix, seizhaenz couh yinx hauilai cangh-seng'ei youq gizneix hai diemqbouq guh gaicawx, baenz le dieg-vuenhmbaq, diegyietbaeg gij vunz guh seng'ei bae baek roengz namz haenz. Vunzmbanj Cangzganghlingj uk lingz rox guh haenz caemh gaenz dajndaem dajgai, canh ndaej hauilai ngaenz, miz hauilai vunzfouq gvaq, daiqdoengh rangh dieg haenz fouqmiz, hoenghvuengh geij bak bi, seiz Ciuhmingz Ciuhcingh ndaej haenh dwg "Nanzgingh iq" gvaq. Baenzneix, gij ranzgaeuq sanghung gvangqyub haenz cij ndaej celouz daengz seizneix.

Byaij haeuj Cangzganghlingj Cunh, couh raen baihsuix aenmbanj daengjbaij miz coengceiz singq Moz, ranzveisouj, ranzbezgya, honghung ranz Moz doenghgij ranzgaeuq neix, riengz diuz roen haeuj mbanj byaij gvaq baihgva, couhdwg aen Cangzganghlingj Roendaehhuq Mbanj Gaeuq Swnghdai Bozvuzgvany aeu

Dinghajfuk gaij baenz haenz. Ndwn youq giz sang gyang mbanj ngaem yawj baihlaj, benq ranzgaeuq cien heu vax mong, ranz sang hongh gvangq, riengz dinbya baij baenz yiengh ekvaiz miz 1.8 fanh bingzfanghmij haenz couh yawj haeuj lwda caezdoh. Ciuq cunhcangj naeuz, ndaw mbanj seizneix miz 110 ranz, miz gij ranzgaeuq Bouxgun Ciuhmingz Ciuhcingh guh haenz 60 lai aen. Daengx benq ranzgaeuq baijbouh ndaej ndei, ranz sang hongh gvangq, hong dinfwngz gyaqciq, miz yienghranz dongh daemx liengz-samgak, yienghranz donghfaex dap-gyaq, dingjranz miz goujndoen, ndoenvang, yiemhranz ngaegungj, gak cungj gak yiengh; ndaw ranz aencueng, faqdou, gak cungj gyasei doenghgij neix deu lungz veh fungh, gyaqciq raixcaix; gij diencingj gak aen ranz cungj dwg aeu benjrinheu caepbu, luengqhongh cix aeu benjrin roxnaeuz rinmaxluenx bu baenz, miengbaizraemx lajdeih caeuq gij diencingj gak aen ranz doxlienx hwnjdaeu, gig miz daegsaek. Caiq gya miz diuz roenrin gaeuq raemhrwd, aen mohcoj hungloet doenghgij yiengh gaeuq neix, aen mbanj gaeuq couh engq miz gij gingj gyaundeis swyenz caeuq yinzvwnz haenz yienhda myabmyab.

Doengh bi neix daeu, Lingzconh Yen doiq gij rizgaeuq vwnzvuz youqgaenj, yiengh dajcaep ranzgaeuq, ranzgaeuq conzdungj Cangzganghlingj Cunh guh le cienzmienh baujhoh, coihcingj, doengzseiz gohyoz dwk vatgud caeuq hablex leihyungh gij feihvuzciz vwnzva yizcanj, hawj yienghsiengq, baijbouh aenmbanj ndaej henhoh ndei caemhcai dauqfuk mbanj bienq moq, swyenz swnghdai vanzging caemh ndaej daengz baujhoh caeuq bienq ndei. Vunzmbanj caemh haengrengz boiq-hab, youq gij reih henz mbanj ndaem le godaengngoengz caeuq vagwsangh, moix daengz seiz haiva, vadaengngoengz henjrwgrwg, vagwsangh gak saek gak yiengh hoengh hai, baenz mbaek baenz doengh yietnangq, hophumx buenq aen mbanj, hawj aenmbanj engq gyaundeis yinxvunz, hekyouz cix doxcanj doxcaeh dwk bae ndaw mbanj yawj gingj gyaeu, simangq dangqmaz.



▲ Ranzbezgya gvaq geij bak bi lij maendwt.



▲ Vunzmbanj naengh gwnz giuz roen gaeuq ganggoj.



▲ Vadaengngoengz hai va lo.



▲ Faqdou ranzgaeuq deu lunz veh fungh.